

## Alunus ELL ki ta kulokadu tardi

### Dazafiu y Oportunidadi

Un studu estensivu di prupurson di dizistênsia ta mostra ki Alunus ki Sta ta Prendi Inglês (ELL) ki entra na BPS pa primera vês na liseu ten maior risku di sai di skola.

Inisiativa di "Graduason pa tudu Alunu" di Superintendenti Carol R. Johnson ta inklui prevenson y rekuperason, ki ta inklui Akademia di Resên-Xegadu pa asegura susesu akademiku pa novus alunus imigranti.

## Alunus ki Sta ta Prendi Inglês na Skolas Públiku di Boston

Pa mas ki 24,000 alunus di BPS (serka di 43% di tuta) ka ten Inglês komu lingua di kaza.

Entri kes alunus:


- Serka di 10,000 é prufisienti na lingua Inglês
- Serka di 11,000 é ten Prufisiênsia Limitadu na Inglês (LEP) o Alunus ki Sta ta Prendi Inglês (ELL)
- Serka di 3,000 era Prufisiênsia Limitadu na Inglês (FLEP)
- Tudus alunus ELL é ilejivel pa apoiu na lingua Inglês di parti di profusor altamente kualifikadu na Inglês komu Segunda Lingua (ESL).

Alunus di BPS ta ben di mas di 40 país diferenti di tudu mundu.

[www.bostonpublicschools.org/ELL](http://www.bostonpublicschools.org/ELL)

## Akademia di Resên-Xegadu Newcomers Academy

100 Maxwell Street  
Dorchester, MA 02124  
telefoni 617-635-7993  
fax 617-635-7990  
newcomers@boston.k12.ma.us  
Nydia O. Méndez, Diretora



### SIDADI DI BOSTON

Thomas M. Menino, Prezidenti di Kamara

### KUMITÊ SKULAR DI BOSTON

Rev. Gregory G. Groover Sr., Prezidenti  
Marchelle Raynor, Vise- Prezidenti  
Helen Dájer ▪ Alfreda J. Harris  
Claudio Martinez ▪ Michael O'Neill  
Elizabeth G. Reilinger

### SKOLA PÚBLIKU DI BOSTON

Carol R. Johnson, Superintendenti  
[www.bostonpublicschools.org](http://www.bostonpublicschools.org)  
617-635-9000

### LEI DI NON-DISKRIMINASON

Skolas Públiku di Boston ka ta diskrimina ningen na ses prugrama, atividadi, idifisiu, inpregu y oportunitadis idukasional ku bazi na rasa, kor, idadi, difisiênsia, seksu, relijion, orijen, nasiunalidadi ó orientason seksual y el ka ta tolera kalker forma di persuazon ó pirsigison ki ta firi dignidadi di otus y ki ta interfiri ku ses liberdadi pa prende ó trabadja.



# Akademia di Resên-Xegadu

## Newcomers Academy



## Un programa preparatoriu di Skola Públiku di Boston pa Alunus ki Sta ta Prendi Inglês



## Alunus

Akademia di Resén-Xegadu (Newcomers Academy) ta ben sirvi até 250 rezidentes di Boston ki:

- Sta entre idadi 14-18;
- Ki txiga na Stadius Unidus duranti anu skular;
- Ten Prufisiénsia baxu na Inglés;
- Ten poku kapasidadi akadémiku na se língua prinsipal (3 o mas anos atrazadu); y/o
- Tevi un interupson na se idukason fomal na país di orijen.

## Objetivu

- Kualidadi ilevadu di idukason
- Aselera akizison di língua Inglés
- Dezenvolvi vokabuláriu akadémiku di otus disiplinas y pensa à un nivel mas altu
- Promovi dezenvolvimentu di abilidadi sosial y akadémiku di alunus ki alunus ta presiza kuandu es entra na un liseu di distritu
- Kria bazi pa susesu akadémiku y sosiu-kultural a longu prazu
- Sirvi komu lukal pa midjor prátika pa iduka alunus di skolas sekundariu ki sta ta Prendi Língua Inglés ku interupson di idukason o spasu na ses idukason fomal.

## Kulokason

Tudu alunu novu na Skola Públiku di Boston ten ki vizita un Sentru di Rekursu di Familia ku dokumentason apropiadu pa kumesa prusesu di matrikula. Alunus ki Sta ta Prendi Inglés é identifikadu atraves di un sondajen di língua di kaza y ta fazi testi na Sentru di Avaliasion y Konselharia di Resén-Xegadu. Alunus ki ten kriteriu pa Akademia di Resén-Xegadu (Newcomers Academy) ta ser informadu sobri programa. Tududu alunu ta konpleta un formulariu tanben pa skodji un liseu ki ta da-s diploma.

[www.bostonpublicschools.org/register](http://www.bostonpublicschools.org/register)

Alunus podi bai pa Akademia di Resén-Xegadu (Newcomers Academy) pa un semestre o ate 2 anu, dependu di nesesidadi akadémiku, antis di ser kulokadu na un liseu ki ta da-s un diploma di liseu. Pesual di Akademia di Resén-Xegadu ta kontinua ta sigi prugresu di alunus mesmu dipos ki es sai di programa.

## Enpregadus

Alunus y famílias é apoiadu pa un grupu di profesor, administrador, y konselheiru multilinge y multikultural sprienti, asin komu mentor y stajiaru di universidadi lukal. Prupurson di alunu-profesor é di 15-pa-1.

## Parserus

- University of Massachusetts Boston
- Boston University
- Skritóriu di Kamara “New Bostonians”
- Ajênsias lukal di servisu sosial

## Akademiku & Avaliasion

Tudu alunu ta sta envolvidu na trabadju di skola rigurozu, ki ta inklui:

- Inglés Intensivu komu Segunda Lingua (ESL) y dezenvolvimentu di alfabetizacion; y
- Instruson Prutejedu na Inglés, Matimátika, Siênsias, Teknulujia, Studus Sosial, Arti y Idukason Fizika.

Alunus ta partisipa di vizita di studus y servisu komunitariu pa poia ses tranzison a vida na Boston. Instruson ta kontisi duranti dia skular, ku ajuda adisional dispunivel na Sabadu y duranti Veron.

Prugresu di alunus é avaliadu através di un variedadi di mididas, ki ta inklui:

- Testi di MCAS, sima MELA-0 y MEPA pa avalia leitura, skrita, abilidadi di fala y entendi;
- Kadernu di matimátika;
- Trabadju di leitura y skrita;
- Partisipason na servisu komunitariu; y
- Portfoliu di saída.

## Lukalizacion

Akademia di Resén-Xegadu (Newcomers Academy) sta lokalizadu na antigu Skola Médiu Thompson, 100 Maxwell Street, Dorchester. Kumesandu na Setenbru 2009, programa ta ser lukalizadu djuntu ku Liseu Boston International, un liseu ki ta atribuí diplomas, pa alunus novu na país. Programa ta kulabora pa oferesi servisu a alunus y famílias, asin komu atividadis estra-kurikular, sima desportu, klubi y atividadi sosial.